



Inatsisartunut ilaasortaq Akitsinnguaq Olsen, Siumut  
MAANI.

### **Apeqquut Nr. 2010-144-mut akissuteqaat**

Inatsisartut suleriaasianni § 36, imm. 1 naapertorlugu, apeqquutigisimavatit, qanoq sunillu Naalakkersuisut Narsami innuttaasut ikiorniarlugit iliuuseqarniarpat? Apeqquut uanga oqartussaaffigisannut akisassanngortinneqarsimavoq.

### **Apeqquut imaappoq:**

*”Narsami RG-p tunisassiorfia aamma maanna matuneqarpoq. Qanoq sunillu Narsami innuttaasut iliuuseqarfiginiarneqarpat?”*

### **Tunngavilersuut:**

Narsami RG-p tunisassiorfia aamma maanna matuneqarpoq. Innuttaasut suliffeqarfimmik pingaaruteqaqisumik isumalluuteqarneri matuneqarput, paaserusuppara maanna Naalakkersuisuusut piaartumik iliuusissanik sunik suliaqarniarnerisut, inuimmi pineqarput, ilaqutariit imminut pilersorsinnaaneri killilerneqarput mattunneqarlutik, qanoq sunillu Narsami innuttaasut iliuuseqarfiginiarneqarpat ?

Kinaluunniit innuttaaqataasoq suliffeqarnissamik ineqarnissamik sumilu najugaqarusunnermik nammineq toqqaanissaminik inatsisitigut illersugaavoq, nunani tamani inatsisit nunatsinni aamma akuerisat, aamma naalagaaffeqatigiinnerup aqqani atuuttut.

### **Apeqquummut akissut:**

Suliffissuup matuneqarsimaneranut tunngatillugu nalunaarutigisinnaavara, Royal Greenland siullermik Aalisarnermut, Piniarnermut Nunalerinermullu Naalakkersuisoqarfimmut ulloq 28. juni saaffiginnissuteqarmat, nalunaarutigalugulu tusagassiorfitsigut ulloq 29. juni nalunaaruteqarniarlutik, tassa ullup tulliani.

Tamatuma kingornatigut piaarnerpaamik Royal Greenland ataatsimeeqatiginiarlugu aggersarpara ilisimatinneqarlungalu 1. juli matusinermut suna tunuliaqutaanersoq.

Tamatuma kingorna Royal Greenland-imit ingerlaavartumik oqaloqatiginnittarpunga taamaalillutillu 19. juli 2010 aalajangiunneqarsimavoq,

29. juli 2010  
Sagsnr. 2010-033790  
Dok. Nr. 421330

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nаноq.gl  
www.nanoq.gl

julip qaammataata sinneranut tunisisitsineq ammaqpinneqassasoq. Tamatumalu kingorna suliaq naliliivigeqqinneqassasoq. Royal Greenland-imut aamma aalisartunut pingaartuuvoq maannakkut periarfissaqaleramik takutissallugu suliffissuaq tunisassiassanik piviusumik pilersorneqarsinnaassasoq.

Erseqqissaatigerusuppara, Naalackersuisunit Narsami pisoq malinnaavigineqarmat paasilluarsinnaallugulu, innuttaasunut suliffissaqartitsiniarneq eqqarsaatigalugu Kujataani suli ilungersunartunik atugassaqartoqarmat, pingaartumik aalisarnermik piniarnermillu inuussutissarsiortunut. Tamanna ajornartorsiutaavoq Naalackersuisunit ingerlaavartumik Kommune Kujalleq suleqatigalugu iluarsiiviginiarneqartoq. Tamanna assigiinngitsutigut erseqqissaatigisarsimavara.

Inussiarnersumik inuulluaqqusillunga

Ane Hansen